

omnipotens est Spiritus sanctus, in Salomone : *Spiritus sanctus, multiplex, subtilis, discretus, securus, incontaminatus, omnem habens virtutem* (*Sap. vii, 22*). Et negas omnipotentem? Quia judex est Spiritus sanctus, dicit Dominus: *Si abiero, mittam eum ad vos; et cum venerit, ipse arguet nundum de peccato, de justitia et de iudicio* (*Joan. xvi, 7, 8*). Vides iudicem, qui etiam ipsum, si dicendum est, vindicat Salvatorem: et audet ei quisquam subtrahere deitatem? Et quid dicam amplius de deitate Spiritus sancti? quem pertimescit David dicens: *Quo ibo, Domine, a Spiritu tuo, aut a facie tua quo fugiam* (*Psal. cxxxviii, 7*)? Et ut concludam, tantus ac talis est Spiritus sanctus, in quo si quis blasphemaverit, inveniet eum non sibi relaxantem, neque in isto saeculo, neque in futuro.

Fides catholica.

10. Ineffabilem illam Divinitatis substantiam vel naturam humanis verbis exprimere impossibile est: inconvertibilem, immutabilem, impassibilem, simplicem, incompositam, indivisibilem, inaccessam lucem, inexplicabilem virtutem, sine fine magnitudinem, gloriam inconspicabilem, beatitudinem concupiscibilem, inexquisitum decorum, qui mentis quidem purae contingat et moveat affectum, indicari autem atque explicari non possit. Ubi est Pater, et Filius, et Spiritus sanctus, sola natura quae creata non est, dominacionis potestas, beatitas naturalis. Pater initium omnium, causa cunctorum, radix viventium: a quo procedit fons vita, virtus et imago indemnata invisibilis Dei, qui est Filius a Patre genitus. Verbum, sive ratio vivens; qui erat semper, et erat apud Deum, et Deus erat, non factus ex Patre ante saecula, non assumptus postmodum vel adoptatus in filium, non possessione vel factura, sed creator et factor omnium: qui est omnia quae Pater est; cui Pater omnia quae habet gignendo dedit. Et ubi ergo qui dedit, gignendo dedit; et qui accepit, nascendo accepit; non inopi subventum est, sed ipsa copia nata est. Non enim ille qui accepit, illi qui dedit potest esse inegalitatem, quia et hoc nascendo accepit ut esset aequalis. Nihil enim Patre minus habet ille qui dixit: *Omnia quae habet Pater me sunt* (*Joan. xvi, 13*). Et quia semetipsum exinanivit,

A formam servi accipiens, non formam Dei perdens, in eadem forma servi factus est obediens usque ad mortem, mortem autem crucis; in qua paulo minus minoratus est ab angelis, ut in forma Dei maneret aequalis; quia non est forma illa mutabilis. Qui in celo spiritibus mundis intellectualibus in forma Dei et Deo aequalis, ut Deus **545** præbet exemplum; ut se idem exemplum redeunt etiam lapsi præberet homini, qui propter immunditiam peccatorum nonque mortalitatis Deum videre non poterat: semetipsum exinanivit non amittendo divinitatem suam, sed assumendo humanitatem nostram: et formam servi accipiens, venit ad nos in hunc mundum, qui in hoc mundo erat, quia mundus per ipsum factus est (*Joan. i, 10*), ut exemplum sursum videntibus Deum, exemplum deorsum mirantibus hominem: exemplum sanis ad permanendum, exemplum infirmis ad convalescendum; exemplum morituris ad non timendum, exemplum mortuis ad resurgentium fieret: ipse in omnibus primatum tenens: ut quia homo ad beatitudinem sequi non debebat nisi Deum, et sentire non poterat Deum; sequendo Deum hominem factum, simul sequeretur et quem sentire poterat, et quem sequi debebat. Amemus ergo eum, et inhareamus illi, caritate diffusa in cordibus nostris per Spiritum sanctum qui datus est nobis. Hic Spiritus et vita est, et vivificans lux, et illuminans; bonus, et bonitas; Spiritus rectus, Spiritus principalis, qui est Dominus omnium; mittens apostolos, separans sibi ministros, tempora sibi ipse constituta, inspirans ubi vult, dividens donationes Spiritus prout vult. Spiritus adoptionis, Spiritus veritatis, Spiritus sapientiae et intellectus, scientiae, consilii, virtutis, et timoris Dei: per quem Pater agnoscitur, et Filius glorificatur. Neque enim dignum est, aut filium aliquando defuisse Patri, aut Spiritum Filio: esset enim in maximis defraudata divinitas, et velut inglorium atque indignum duceretur, si velut ex prenitencia et prepostero consilio Deus ad perfectionis plenitudinem pervenisset. Qui potest capere capias (*Math. xix, 12*): qui nondum potest, oret ut capiat, credat ut capiat: quia scriptum est: *Nisi credideritis, non intelligetis* (*Isa. vii, 9, secundum LXX*).

S. FULGENTII SERMONES.

546 SERMO PRIMUS.

De dispensatoribus Domini.

1. Dominicus sermo, quem debemus omnes, non solum studiose, verum etiam sapienter audire, coenos oportet humiliter ac delectabiliter obedire, moderationis suae tenens ubique temperiem, ut nec ovibus desint pabula, nec pastoribus alimenta, quedam

* Verba haec absunt ab edd. Colon., Mog. et Basil. Leguntur in ms. Colb. et in Antwerp.

D specialiter solis precipit nobis, * quedam vero generaliter et nobis et vobis. Nobis namque, id est servis quos pater ille familias, rerum omnium dominus, ad hoc in sua magna domo constituit, ut populo ejus verbum gratiae ministremus, specialiter injungitur sanctæ prædicationis officium: generaliter vero nobis et vobis, salutaris b indicitur obedientia manda-

b Basil., *Saluatoris.*

torum. In quibus denuo mandatis, tanquam ditissimis A ferculis, sic cœlestium deliciarum copia spiritualis exuberat, ut in verbo Dei abundet quod perfectus comedat, abundet etiam quod parvulus sugat. Ibi est enim simul et lacteus potus, quo tenera fidelium nutritur infans, et solidus cibus, quo robusta perfectorum juventus spiritualia sanctæ virtutis accipiat incrementa. Ibi prorsus ad salutem consultur universis quos Dominus salvare dignatur; ibi est quod omni etati congruat, ibi quod omni professioni conveniat; ibi audimus præcepta que faciamus, ibi cognoscimus præmia que speremus; ibi est jussio que nos per litteram doceat et instruat ad scientiam; ibi promissio que per gratiam trahat et perducat ad gloriam.

547 2. Servorum igitur, quos populo suo prepositus^a, Dominus speciale volens officium demonstrare, ait, quod ex Evangelio modo audivimus: *Quis patens est b fidelis dispensator et prudens, quem constituit Dominus supra familiam suam, ut det illis in tempore tritici mensuram?* *Beatus ille servus quem, cum venerit Dominus, invenerit ita facientem* (Luc. xii, 43). Quis est iste Dominus, fratres? Christus sine dubio, qui suis discipulis ait: *Vos vocatis me Magister et Domine; et bene dicitis: sum etenim* (Joan. xiii, 13). Quae est etiam hujus Domini familia? Nimirum illa est quam ipse Dominus de manu inimici redemit, et suo dominio mancipavit. Haec autem familia sancta est Ecclesia catholica, que per orbem terra copiosa fertilitate diffunditur, et redemptam se pretioso sui Domini sanguine gloriatur. *Filius enim hominis, sicut ipse ait, venit non ministrari, sed ministrare*^c, et dare animam suam redemptionem pro multis (Math. xx, 28). * Ipse est etiam Pastor bonus qui animam suam posuit pro ovibus suis. Grex ergo boni Pastoris ipsa est familia Redemptoris. Dispensator vero quis sit, quem oportet esse fidem pariter et prudentem, Paulus nobis ostendit apostolus, qui de se suisque sociis loquens ait: *Sic nos existimet homo ut ministros Christi et dispensatores mysteriorum Dei. Hic jam queritur inter dispensatores, ut fidelis quis inventetur* (I Cor. iv, 1, 2).

3. Ne quis autem nostrum solos apostolos dispensatores factos existimet, neglectoque militis spiritualis officio, servus piger infideliter imprudenterque dormitet, ipse beatus Apostolus episcopos quoque dispensatores esse ostendens, ait: *Oportet enim episcopum sine crimine esse, sicut Dei dispensatorem* (Tit. i, 7). Servi ergo patris familias sumus, dispensatores Domini sumus, mensuram tritici quam vobis erogamus accepimus. Quae vero sit ista mensura tritici si querarumus, ipsam quoque nobis beatus Paulus apostolus ostendit dicens: *Unicuique sicut Deus divisit mensuram fidei* (Rom. xii, 3). Quam ergo mensuram

tritici Christus nuncupat; i sam mensuram fidei Paulus appellat: ut agnoscamus non aliud esse spiritale triticum quam Christianæ fidei venerabile sacramentum. Hujus tritici mensuram vobis in nomine Domini damus, quoties illuminati dono gratiae spiritualis, secundum regulam vera fidei disputamus; et eamdem tritici mensuram per dominicos dispensatores accipitis, cum quotidie per Dei famulos verbum veritatis auditis. De ipsa nunc ergo tritici mensura loquamur (*ad. loquimur*). Ex ipsa, sicut Deus dividit, universi pascamur, inde alimenta bona vite sumamus, ut ad æternæ vita præmia pervenire possimus, in illum credentes, in illo sperantes, illum præ omnibus et in omnibus diligentes, qui se ipsum nobis, et alimento præstat ne deficiamus in via; et præmium servat ut gaudeamus in patria. Christus est enim alimentum nostrum, Christus erit præmium nostrum, Christus est cibus et consolatio currentium viatorum, ipse **548** satietas^f et exultatio quiescentium beatorum. Ad ipsam itaque tritici mensuram pertinet quod Dominus ait: *Vendite quæ possidetis, et date elemosynam; facile vobis sacculos qui non veterascunt, thesaurum non deficientem in cælis, quo sur nos appropiat, neque linea corruptit* (Luc. xii, 33). Magnum bonum est, fratres carissimi^g, valde congreuum, valde commodum, et maxime Christianis omnibus appetendum, ut unusquisque deficere non delectetur in pejus, sed omnes proficere studeamus in melius.

4. Arbores sumus, fratres, in agro dominico constitutæ. Deus est autem noster agricola: ille nos complicit, ille colit, ipse secunditatem donat, ipse fructificandi gratiam subministrat. Pluvia Dei est sermo sanctæ prædicationis, cultura Dei est infusio gracie spiritualis. Deus igitur præcepto nos compluit, adiutorio colit. Dum compluit, aufert a nobis ignorantie siccitudinem; dum colit, bene vivendi condonat ubertatem; dum pluit, terram nostri cordis irrigat; dum vero colit, de ipsa terra spinas et tribulos mundance cupiditatis extirpat. Debemus itaque secundari celestibus pluviis, debemus congrua fructificatione manibus superni respondere euktoris. Et si non possant omnes arbores æquales fructus afferre, nulla tamen debet in agro dominico sterilis permanere.

5. Multum metuenda nobis est, fratres, illa sententia comminantis, qua dicitur: *Omnis arbor quæ non facit fructum bonum excidetur, et in ignem mittetur* (Math. iii, 10). Quod si sterilitas in ignem mittitur, rapacitas quid meretur? Aut quid recipiet qui alienum tulerit, si semper ardebit qui de suo non dederit? Et si judicium sine misericordia erit illi qui non fecit (*ad. facit*) misericordiam (Jac. ii, 13), quale judicium erit illi qui fecerit et rapinam? Timeamus ergo, fratres, timeamus actus nostrorum. Obediens-

festare.

* Desunt haec in Mog., Colon. et Basil. Leguntur in ms. et Ant.

^f Ant., *ipsa est satietas*.

^g Ant., *fratres m i.*

^a Basil., proposuit.

^b Basil., *Quisnam est.*

^c Sic ms. Colb. et Ant., juxta textum Græcum Evangelii et Vulg. vers. Luce xii, 43. At edd. Mog., Colon. et Basil., *vigilantem*.

^d Mogunt. et Colon., *non manifestari, sed mant-*

Christo vendat quæ possidet et eleemosynam det, ut de terra cor ad cœlum levet, ut avaritiam calcet, ut ad perfectionis culmen tota mentis intentione festinet, ut non sit sollicitus quæ sunt mundi, sed quæ sunt Domini (al. Dei); ut mundum sibi crucifixum habeat, seque mundo crucifixum exhibeat; ut sit omnino pauper in seculo et dives in Christo. Quis ignoret boni hujus magnitudinem?

6. Videamus autem, non omnibus venerandarum rerum suarum inesse virtutem. *Uniusquisque enim proprium habet donum ex Deo, alius autem sic (II Cor. vii, 7).* Ecce hoc tam magnum bonum implere pauci possunt, multi non possunt. Nunquid quia paucis dominatur ista perfectio, propterea debent esse pessimi quicunque in bono nondum possunt esse perfecti? Nunquid propterea Christianus debet vitio rapacitatis insistere, quia forte nondum potest omnes res suas pauperibus erogare? Aut ideo debet aliena concupiscere, quia propria nequum potest omnino contemnere? Absit hoc, fratres, ab omnibus Christianis; avertat hoc Deus a fidelibus suis. Apostolus enim veraciter dicit quia *neque arari, neque rapaces, regnum Dei possidebunt I Cor. vi, 9.* Manifestum est autem quia omnes qui a regno Dei **549** alienabuntur, in æterno igne cum diabolo ejusque angelis damnabuntur.

7. Proinde, dilectissimi, si non omnes possunt implere quod Dominus ait, *Vendite quæ possidetis* (Luc. xii, 33), illud tamen quod adjectit dicens, *Date eleemosynam* (*Ibidem*), omnibus est possibile, si adsit bona voluntas; omnibus facile, si non adsit dira cupiditas; omnibus salubre, si serveat caritas: cunctis ergo debet esse commune ut omnibus donetur æterna felicitas. Qui ergo tantam virtutem accipit a Domino ut omnia quæ in mundo sunt cœlestis regni amore contemnat, quæ habet vendat, et egenis expendat. Qui vero tantæ virtutis nondum est, de his quæ habet, in quantum habet, eleemosynam faciat. Tantum operetur bona voluntas quantum suppetit facultas. Perfectus possideat primum virtutis locum, imperfectus saltē perveniat ad secundum. Efficiatur ille gloriose dignus, sit iste laudabiliter largus. Sit ille sanctæ paupertatis ardentiissimus amator, sit iste sanctorum pauperum piissimus consolator. Habeat iste apud Deum patronos pauperes, quos ille se gaudet virtutis habere consortes. Sit iste talis qui cum Domino judicaturus sedeat; sit ille talis qui ad dexteram judicandus assistat. Sit ille talis qui æterna tabernacula perpetuo jure possideat; sit iste talis quem ille recipiat. Admonet enim nos Dominus dicens: *Facite robis amicos de mammora iniuritatis, qui vos recipiant in æterna tabernacula* (Luc. xvi, 9).

8. Hoc ergo, fratres, necessarium est omnibus nobis, ut in bonis operibus nemo sit segnis, nemo sit sterilis, nemo præsentium dilectione (al. delectatione) futura contemnat, nemo æterna despiciens, sola temporalia perversus aspiciat; nemo spiritualibus corpo-

A ralia preferat, nemo terrena cœlestibus anteponat. Thesaurum nostrum, fratres, in eolis ponamus, ut etiam cor nostrum in eolis habere possimus. Necesse est enim ut quo præcesserit dilectionis thesaurus, illoc etiam cogitationis sequatur affectus. Ico Veritas ait: *Ubi enim thesaurus vester est, ibi et cor restrum erit* (Matth. vi, 21). Ut ergo in eolis thesaurizemus, cœlestia diligamus. Vis nosse ubi thesaurizas? attende quid amas. Vis nosse quid amas? attende quid cogitas. Ita fieri ut thesaurum tuum ex tuo amore cognoscas, et aiorem tuum indicieum tuæ cogitationis intelligas. Ostendens autem Dominus quomodo in cœlis thesaurizare possimus, ait: *Sint lumbi vestri præcincti, et lucernæ ardentes* (Luc. xii, 35).

9. Si istum Domini sermonem secundum litteram velimus accipere, nihil in eo commodi spiritalis possumus invenire. Quid enim b proficit ad animæ salutem, si aliquis corporaliter, aut lumbos præcinctat, aut lucernam accendat? Alia ergo in præcinctis lumbis et lucernis ardentibus querenda est intelligentia spiritalis, quæ scilicet divino sit præcepto condigna, quæ nostræ saluti congrua reperiatur et commoda. Neque enim frustra quodam loco ipse Dominus ait: *Verba que ego locutus sum vobis, spiritus et vita sunt* (Joan. vi, 63). In lumbis itaque **550** concupiscentia carnalis ostenditur, in lucernis vero fides et caritas Christiana monstratur. Jubens igitur Dominus lumbos nostros præcincti, concupiscentias carnalis sine dubio præcipit (al. præcepit) refrenari. Imperans autem ut lucernas ardentes habeamus, hoc utique jubet ut et lumine veræ fidei splendeamus, et sancte caritatis operibus serveamus. Jubens ut sint lumbi nostri præcincti, mandat ut mala desideria aliae opera fugiamus; jubens ut sint lucernæ nostræ ardentes, monet ut bona diligamus atque faciamus.

10. Ista quæ de Evangelio proposuimus, cum propheticis sermonibus conferamus. Utrumque enim Testamentum Deus unus instituit ^d, unus Dominus dedit; et si sunt utriusque Testamenti diversa pro temporibus sacramenta, concordat tamen in utroque salutis humanæ sententia, quæ præcipitur ut non peccemus, et jubetur ut bonis operibus insistamus. Præcipit itaque Dominus per beatum David, dicens: *Declina a malo, et fac bonum* (Psalm. xxxviii, 15). Per Isaiam quoque omnes his admonet verbis: *Auserte malum cogitationum vestrarum ab oculis meis; quiescite perverse agere, discite benefacere* (Isa. i, 16). Hoc ergo nunc Dominus per seipsum præcipit (al. præcepit), quod nobis per sanctos etiam patriarchas prophetasque mandavit. Quid est enim, *Sint lumbi vestri præcincti, nisi, Declinate a malo?* Quid est, *Sint lucernæ ardentes, nisi, Facite bonum?* Quid est, *Sint lumbi vestri præcincti, nisi, Quiescite agere perverse?* Quid est, *Sint lucernæ ardentes, nisi, Discite benefacere?*

11. Præcinctur igitur (al. enim) fidelium lumbi, dum concupiscentia mala comprimitur, dum iniqua

^a Ms., admonuit.

^b Ms., Qui enim.

^c Ms., Christiano monstratur.

^d Edd., Deus instituit. Ms., Deus unus instituit

cogitatio cohibetur, dum libidini resistit animus, dum lasciviae denegatur affectus, dum calcatur luxuria, dum avaritia contemnitur et rapina, dum proximi laches devitatur, dum superbia vincitur, dum invidia superatur. Ardent vero lucernæ fidelium, dum rectæ fidei regulam servant, dum in sinu matris Ecclesiæ longanimenter perseverant, dum terrena contemnunt et coelestia concupiscent, dum solliciti pacem custodiunt, dum se invicem pure diligunt, dum mutuo se honore præveniunt, dum mansuetudine cordis et humilitate proficiunt, dum misericordiae opera libenter atque hilariter faciunt, dumque in operibus bonis non hominibus, sed Deo placere contendunt.

12. Onnis ergo Christianus præcinctos habeat lumbos, ut fugiat libidinem; ardente habeat lucernam, ut custodiat castitatem: præcinctos habeat lumbos, ut aliquid alienum nec rapiat, nec suretur; ardente habeat lucernam, ut de suo misericorditer operetur: præcinctos habeat lumbos, ut minorem non opprimat; ardente habeat lucernam, ut oppresso velamine justitiae ^a justæ defensionis auxilium impendat: præcinctos habeat lumbos, ut habenti non auferat cibum; ardente habeat lucernam, ut esurienti tribuat alimentum: præcinctos habeat lumbos, ut non spoliet vestitum; ardente habeat lucernam, **531** ut vestiat nudum: præcinctos habeat lumbos, ut domum nullius invadat; ardente habeat lucernam, ut peregrinos Christi libenter excipiat: præcinctos habeat lumbos, ut fugiat elationem; ardente habeat lucernam, ut servet humilitatem: præcinctos habeat lumbos, ut expellat a se invidiam et livorem; ardente habeat lucernam, ut puram cunctis exhibeat caritatem: præcinctos habeat lumbos, ut non exhibeat membra sua *arma iniquitatis peccato;* ardente habeat lucernam, ut exhibeat membra sua *arma justitiae Deo* (*Rom. vi. 13*).

13. Hæc est, fratres, catholice fidei vera saeque doctrina. Hæc est mensura tritici de qua Domini redemptoris ^b est pascenda familia. Ex hac vobis (*al. nobis*), quantum Dominus tribuit, damus; ipsunque Dominum jugiter exoramus, ut et nos et vos in timore gratiae ^c suo pascere dignetur auxilio. Auerat a nobis dominationem prævæ cupiditatæ, donet omnibus profectum et perseverantiam caritatis. Lumbos nostros ipse præcingat, lucernas nostras ipse ardore faciat ardentesque custodiat: ut nec refrigescat nostra caritas, nec aliqua nobis dominetur iniquitas. Sed Dominus ac Redemptor noster omnibus gratiam tribuat, universis donum sanctæ illuminationis ac virtutis infundat. Nobis donet ut quod ab illo audimus recte intelligamus et sicut oportet faciamus, vobis faciendum sermone sufficiens et congruo-

A predicemus. Vobis quoque donet ut quod ab illo per servos ejus auditis, et corde intelligatis, et opere faciatis. Hoc ergo divina misericordia operetur in omnibus nobis ^d, ut nos, quos voluit esse dispensatores, fideles faciat et prudentes; vos quoque faciat obedientes et humiles: ut mensuram tritici dominici, quam vobis damus, communem vobiscum salubriter atque utiliter habeamus ^e.

SERMO II.

De dupli Nativitate Christi^f, una æterna ex Patre, altera temporali ex Virgine.

1. Cupientes aliiquid de hujus dici solemnitate narrare, simulque considerantes illud unum Verbum, do quo dicere volumus, nulla inventimus verba quibus sufficienter aliiquid dicere valeamus. Est enim hoc Verbum non quod desinit prolatum, sed quod permanet natum; non transitorium, sed æternum; non factum a Deo Patre, sed genitum; nec solum genitum, sed etiam Unigenitum. Unum quippe Verbum Deus Pater genuit de seipso, per quod omnia creavit ex nihilo. *In principio enim 552 erat Verbum, et Verbum erat apud Deum, et Deus erat Verbum. Ille erat in principio apud Deum. Omnia per ipsum facta sunt, et sine ipso factum est nihil* (*Joan. i. 1, 2, 3*). In hoc autem quod per illud Verbum Deus Pater (*al. omnipotens*) omnia fecit, ostenditur quia hoc Verbum genuit ipse, non fecit. Illud igitur Verbum de Deo Deus est, de creatore creator est. Unde hoc in se & naturaliter habet esse, quod Pater est.

2. Natus est itaque de Patre Deo Filius Deus, alter C in persona, non aliis in natura: semper apud Patrem, semper cum Patre, semper de Patre, semper in Patre: semper apud Patrem, cum quo illi una est naturalis immensitas; semper cum Patre, cum quo illi una est naturalis æternitas; semper de Patre, de quo illi est naturaliter æterna nativitas; semper in Patre, cum quo illi est una naturaliter æqualisque divinitas: et alter quidem ille qui Pater est ^g, alter ille qui Filius est; neuter tamen alter Deus, quia Pater et Filius unus est Deus. Quapropter quando ^h de Patre Deo et Filio Deo nascitur sermo, digne dicimus alterum esse Patrem, et alterum Filium; et nihilominus digne dicimus unum Deum esse Patrem et Filium. Cum enim dicimus alterum esse Patrem, alterum Filium, discretas personas genitoris genitique monstramus; D cum vero dicimus unum Deum esse Patrem et Filium, ipsam unam naturam indiscretæ divinitatis ostendimus. Altera est enim persona genitoris et geniti, sed una est natura genitoris et geniti.

3. Quomodo vero ⁱ sufficiens aut digne loqui poterit quis? De quo? Homo de Deo, mortalis de immortali, visibilis de invisibili, mutabilis de incommu-

^a Sic Basil. At ms., *velamen justitiae* (forte pro *justæ*) duntaxat defensionis impendat. Mog., Col. et Ant., *ut oppreso velamine justitiae, duntaxat defensionis auxilium impendat.*

^b Ms., *de qua Redemptoris.*

^c Mog., Colon. et Basil., *gratiae suæ.*

^d Ms., *in omnibus; deest nobis.*

^e Basil., *communem nobiscum salubriter atque utiliter habeatis.*

^f MSS. duo, *De Natali Domini.*

^g Ms., *hoc ipse.*

^h Sic Ant. Basil. vero, Mog. et Colon. omittunt priori loco particulam *qui*. Mog. et Colon. posteriori habent, *quod filius est.* Ms. autem, *quod, utroque loco.*

ⁱ Sic ins. et Ant. At Basil., Mog. et Colon., *quocumque niam.*

^j Ms. *Quando vero.*

tabili, opus de opifice, de creatore creature, de factore factura, parvulus de immenso, temporalis de aeterno, humilis de altissimo, plasmatus e luto de illo qui omnia creavit ex nihilo. Cujus est iuenarrabilis omnipotentia, qua nos gratuita bonitate fecit; nec minus tamen inenarrabilis gratia, qua nos omnipotentissima miseratione salvavit. Qui et opus creatricis omnipotentiae gratis fecit, et opus gratiae salvaticis omnipotenter implevit: illic habens potestatem condendi et regendi creaturam suam, hic habens potestatem ponendi et sumendi pro nobis ^a animam suam. Omnipotentiam vero hanc (al. nunc) dieimus, qua Verbum, quod in principio erat, et apud Deum erat, et Deus erat, fecit omne quod non erat ^b; gratiam vero, qua Verbum caro factum venit querere et salvum facere quod perierat; omnipotentiam, qua fecit omnem diem; gratiam, qua certo die concipi et certo die dignatus est nasci.

4. Idem igitur minoratus paulo minus ab angelis, in die factus est hominum, qui, coeternus et aequalis Deo Patri, dies sanctorum **553** semper est angelorum. De ipso quippe propheta dicit: *Bene nuntiate diem de die, salutare ejus (Psal. xc., 2).* Quid est *diem de die*, nisi *Filiu de Patre* ^c? Est igitur de Patre Filius, de die dies; sed tamen Pater et Filius non duo dies, sed unus est dies. Est de Patre Filius, de Deo Deus; Pater tamen et Filius non duo dili, sed unus est Deus. Unus igitur dies aeternitatis simul Pater et Filius a nobis agnoscitur, in die autem temporis solus Filius inventur. Dies aeternus aeternus Pater et Filius nostrum corpus et animam fecit; in die vero temporis solus Filius nostrum corpus animamque suscepit. Christus dies aeternus unigenitus in forma Dei manens; Christus in die temporis unigenitus formam servi accipiens. Christus dies aeternus dives permanens ut conderet nos; Christus in die temporis pauper factus ut redimeret nos. Dies aeternus Christus Deus de Deo Patre, Christus in die temporis Deus homo de virgine matre. Christus dies aeternus Verbum eructatum (*Psal. xliv., 1*) de corde Patris, Christus in die temporis Verbum caro factum de utero virginis matris. Christus dies aeternus, Deus verus de Deo vero; Christus in die temporis sponsus procedens de thalamo suo (*Psal. xviii., 6*). Dies aeternitatis Christus angelos ^d creans, dies in tempore Christus homines salvans. Dies aeternitatis Christus in celo sanctos angelos pascens, dies temporis Christus homines in terra resiciens. Ut enim panem angelorum manducaret homo, creator angelorum factus est homo, utrosque pascens, et integer permanens. Quam bonus panis qui et angelos pascit per speciem, ut de ipso satientur in patria, et nos pascit per fidem, ne deficiamus in via! Ille panis, qui scipsum dat angelis ad gaudium stabilitatis, seipsum dedit hominibus

A ad remedium sanitatis; et qui est angelorum ^e nobis factus est medicina.

5. Verumtamen hic, dilectissimi fratres, attendite magnitudinem gratiae, et agnoscite quid Deus homini dignatus est prærogare. Christus enim Dei Filius, de vero Deo Deus verus, et unus cum Patre naturaliter Deus, semper ex seipso sanctos ^f angelos pascit; sed tamen angelicam naturam Dei Filius non accepit. ^g autem suam caritatem Deus commendaret in nobis, Filius ejus naturam nostram suscepit ex nobis: et Deus unigenitus, qui panis est angelorum, ut etiam hominum seipsum saceret panem, simul hominis et animam suscepit et caruem. Accepit utramque veram, utramque sanctam, utramque mundam: accepit animam nostram sine iniquitate, accepit carnem nostram cum mortalitate; accepit animam justam, per quam nostris animabus justitiam redderet, carnem vero propterea dignatus est habere mortalem, ut secundum ipsam moriens mortem vineceret, secundum ipsam etiam resurgeret, per quam nostra quoque corpora suscitareret.

6. Magnum mysterium, dilectissimi fratres, magnum divinae dilectionis indicium. Homo Deum contempsa a Deo discessit, Deus hominem diligens ad homines venit. Dilexit impium, ut saceret justum; **554** dilexit iniquum, ut saceret sanum; dilexit perversum, ut saceret rectum; dilexit mortuum, ut saceret vivum. Et quid amplius dicam? quandoquidem Deus unigenitus humanam naturam tantum dilexit, ut eam non solum a potestate mali angeli liberaret, verum etiam in seipso super omnes bonos angelos in Patris dextera collocaret. Natura quæ in primo homine a malo angelo captivata fuerat, ipsa nunc in secundo homine super omnes bonos angelos regnat ^h. Natura quæ in primo homine mundum peccato poluit, ipsa in secundo homine mundum a peccato mundavit. *Primus homo de terra terrenus, secundus homo de celo caelitus* (*1 Cor. xv., 47*). Primum hominem mulier corrupta mente decepit, secundum hominem virgo incorrupta virginitate concepit. In primi hominis conjugi nequitia diaboli seductam depravavit mentem, in secundi autem hominis matre gratia Dei et mentem integrum servavit et carnem: menti contulit firmissimam fidem, carni abstulit omnino libidinem. Quoniam igitur miserabiliter pro peccato damnatus est homo, ideo sine peccato mirabiliter natus est Deus homo.

7. Attendite, fratres, medicinalis gratiae lineas, divina nobis benignitate monstratas. Tunc ad Evarum angelus malus accessit, ut per eam homo, quem Deus fecerat, a Deo separaretur; nanc autem ad Mariam bonus angelus venit, ut in ea humanæ naturæ Deus Unigenitus uniretur. Venit ad Evarum diabolus, ut vitam nobis malignus auferret; venit ad Mariam Gabriel, ut vitam reddendam hominibus nuntiaret. Per

^a Haec verba pro nobis absunt a ms.

^b Editi, omne quod noverat. Ms., quod non erat.

^c Sic editi. Ms. autem, Quid est dies de die, nisi Filius de Patre?

^d Editi, angelos sanctos. Ms. non habet sanctos.

^e Abest sanctos a ms.

^f Haec, Natura quæ... super omnes bonos angelos regnat, leguntur in Ant. et ms. Thu. In ms. Colb. c' ceteris editis non leguntur.

primi hominis culpam cœpit diabolus homini dominari, per secundi hominis gratiam cœpit ab homine superari: super primum superbus, sub secundo captivus. Per illum nos captivos tenuit, per istum nos liberatos amisit. Primus Adam nobis auctor exstitit culpe, novissinus Adam nobis auctor exstitit gratia. Ille de limo plasmatus terrenos protulit, iste de Spiritu sancto natus cœlestes effecit. Per illum perdidimus gratiam priorem, per istum recepimus amplioram. Ille quippe nobis intulit peccati maculam, cum qua nasceremur ad supplicium; iste nobis contulit justificationis gratiam, ut renasceremur ad regnum. Per illum nos filios sæculi generatio carnalis effecit, per istum nos filios Dei generatio spiritualis exhibuit. Ille nos vitiis subdidit, iste nos florere virtutibus fecit. Ille nos per vitia dejicit, quo primus cecidit: iste nos per virtutes elevat, quo primus ascendit. Ille quippe primus cecidit in infernum, iste primus descendit in cœlum.

8. Interea, fratres, dignum est ut in die dominicæ Nativitatis diem quoque dominicæ Resurrectionis solemniter audiatis. Unigenitus enim Deus, sicut pro nobis dignatus est nasci, sic pro nobis secundum carnem dignatus est mori, dignatus est etiam suscitari. Iste quippe dies est visitationis, illè redemptionis. Opus enim gratiæ, qua nos Deus Unigenitus salvos fecit, conceptus in utero cœpit; ipsumque opus gratiæ de sepulcro resuscitatus implevit. Conceptus in utero, factus est **555** particeps mortis nostræ; resurgens de sepulcro, fecit nos participes vitæ suæ. Nunc itaque omnes Dominum exoremus ut, sicut in Cisto die gaudium suo populo tribuit, ad illum quoque diem omnes cum gaudio et pace perducat, populumque suum in fide et caritate custodiat. Amen.

SERMO III.

De sancto Stephano protomartyre, et Conversione S. Pauli.

4. ^a Heri celebravimus temporalem sempiterni Regis nostri Natalem: hodie celebramus triumphalem militis passionem. Heri enim Rex noster, trabea carnis induitus, de aula uteri virginis egrediens visitare dignatus est mundum: hodie miles de tabernaculo corporis exiens, triumphator migravit ad cœlum. Ille, sempiternæ deitatis majestate servata, servile cinctorium ^b carnis assumens, in hujus sæculi campum pugnaturus intravit; iste depositis corruptilibus corporis indumentis, ad cœli palatium perenniter regnaturus ascendit. Ille descendit carne velatus, iste ascendit sanguine laureatus ^c. Ascendit iste lapidantibus Judæis, quia ille descendit letantibus angelis. *Gloria in excelsis Deo* (*Luc. ii, 14*) heri sancti angeli exsultantes cantaverunt; hodie Stephanum letantes in suum consortium suscepserunt. Heri Dominus exivit de utero virginis: hodie

A servus ^d egressus est de ergastulo carnis. Heri Christus pro nobis pannis est involutus; hodie Stephanus stola est ab eo immortalitatis induitus. Heri præseps angustia Christum portavit infante; hodie immensitas cœli suscepit Stephanum triumphantem. Solus descendit Dominus, ut multos elevaret; humiliavit se Rex noster, ut suos milites exaltaret. Qui enim corpori suo virginis præparavit uterum, ipse martyri suo aperire dignatus est cœlum. Dominus Christus angustias intrare non dedignatus est uteri, ut animam Stephani latitudo suscepere cœli.

2. Necessarium nobis est, fratres carissimi, agnoscere quibus armis præcinctus Stephanus servitiam Judeorum potuit superare, ut ita meruisse feliciter triumphare. Neque enim parvipedenda sunt talis B virtus, talisque triumphus. Haud vero vilibus armis potuit præmuniri, qui a multis non potuit superari. Invictæ namque in eo enituit insigne virtutis ^e, que nec frementium (*al. frequentium*) servitiam formidavit, nec lapidantium ictibus devicta succubuit. Usque adeo enim inter frementes **556** permansit interritus (*al. intrepidus*), et inter lapidum fuit cruciamenta securus, ut incredulitatem Judeorum fidenter argueret, et benignus pro lapidantibus exoraret. Quod est ergo tam magnum atque insuperabile genus armorum, quo munitus servientes argueret, nec timeret ^f; lapidantes non reperiens, sed patiens superaret; insuper et occisus aulam cœlestis regni vivus et coronatus intraret? Procul dubio munimine regio septus, nullatenus est ab adversariis superatus: quoniam Rex noster, cum sit altissimus, pro nobis humilius venit, sed inanis venire non potuit. Magnum quippe donativum suis militibus attulit, quo eos non solum copiose ditavit, sed etiam ad certandum invictissime confortavit. Attulit namque donum caritatis, quo perduceret homines ad consortium deitatis. Quod ergo attulit, erogavit: nec sibi aliquid minuit, sed mirabiliter et suorum ^g pauperiem ditavit, et indeficientibus thesauris plenus ipse permansit.

3. Caritas ergo quæ de cœlo ad terras deposita Christum, ipsa Stephanum de terra elevavit ad cœlum. Caritas quæ præcessit in Rege, ipsa subsequenter refulsa in milite. O admiranda ubique potentia Salvatoris! O prædicanda indesinenter gratia Redemptoris! Ostendit in matre virginitatis æternæ miraculum, demonstravit in martyre invictæ caritatis indicium. Integritas quippe intemerata permansit in virgine, dilectionis virtus, invicta perseveravit in martyre. Et sicut in matre Domini non potuit virginitas violari, sic in martyris mente non potuit Christi caritas tanto servientium agmine superari. Stephanus ergo, ut nominis sui coronam meruisse accipere, caritatem pro armis habebat, et per ipsam ubique vincebat. Per caritatem Dei servientibus Judæis nō cessit, per caritatem proximi pro lapidantibus in-

^a MSS. habent: *Fratres carissimi, nec habent semiperni.*

^b MSS., *tentorium.*

^c MSS., *coronatus.*

^d Sic mss. At edd., *miles.*

^e MSS., *Invicta namque in eo enituerunt signa virtutis, quia nec... derictus succubuit.*

^f Hec verba, nec timeret, habentur ex mss.

^g Ms. et Aut., *suorum fidelium.*

tercessit. Per caritatem arguebat errantes, ut corrigerentur; per caritatem pro lapidantibus orabat, ne punirentur. Caritatis virtute subnixus, vicit Saulum crudeliter saevientem, et quem habuit in terra persecutorem, in celo meruit habere consortem. Ipsa sancta et indefessa caritas desideravit orando acquirere quos nequivit monendo convertere. Neque enim, fratres, existimandus est Stephanus tunc inimicos dilexisse ^a cum pro eis oraret, et non dilexisse cum eorum incredulitatem argueudo corrumpere. Absit hoc ab anima martyris ad coeli palatum festinantis. Ipsa enim sancta caritas firmam servavit in oratione patientiam, quae rigidam tenuit in correptione censuram. Et ideo in oratione audiri meruit lenitas, quia sine caritate non fuit in correptione severitas: ac per hoc, sive orando, sive corripiendo, caritatem beatus Stephanus reservavit, quia utrobius que salutem errantium cogitavit, et indicio sanctae orationis ostendit increpationem illam non fuisse odii, sed amoris.

4. Hoc autem faciens, et presentibus caritatem beatus martyr exhibuit, et utile nimis exemplum posteris reliquit. Demonstravit enim **557** geminam ecclesiastici dispensatoris industriam: ut ad corrugendum cuiuslibet peccantis errorem, et non desit in ore correptionis, et ad Deum pro eo supplex effundatur oratio. Ut qui malum fecit, per increpationem de malis operibus confundatur, et per orationem apud Deum adjuvetur; ac sic ipsa caritas, et in ore justitiam sonet, ut errantem corrigat; et in corde patientiam servet, ut pro errante orationem puro affectu dilectionis effundat. Qui enim errantem non corripuerit, de negligentia judicatur ^b; qui autem pro eo non oraverit, de pernicie condemnatur. Quocirca, fratres, si quando aliquis pro animæ salute corripitur, non aspernanter accipiat monita caritatis; nec presentem tristitiam suæ voluntatis attendat, sed consideret quæ luca utilitatis acquirat. Idcirco enim arguitur, ut a pravis operibus corrigatur. Nec tamen cum videt correptionem aliqua verborum austeritate servere, existimet caritatem in corde frigescere. Sic enim vigilat in ore correptionis, ut in corde non dormiret oratio. Ac per hoc, in utroque peccanti consulte prospicitur, ut dum homo correptus de peccato confunditur, et a malis operibus separetur et per orationem (Deo miserante) salvetur. Nam et sancta Scriptura dicit: *Quoniam quem diligit Dominus, corripit: flagellat autem omnem filium quem recipit* (*Prov. iii. 12*).

5. Christi ergo caritate compulsi, et bonos hortamur, ut in bono permaneant, et malos compellimus, ut a malo discedant: præsertim quoniam in istis duabus sanctis genitum nobis monstratur salutis indicium: ut si quis bonus est, imitetur perseverantiam caritatis in Stephano; qui autem malus est,

^a In uno ms. non leguntur hæc, *inimicos dilexisse cum pro eis oraret, etc.; nec quæ postea, Absit hoc, etc.*

^b Ms., *judicabitur... condemnabitur.*

^c Ms., *et erectus est fidelissimus prædicator.*

A sectetur exemplum conversionis in Paulo: et qui bonus est, æquitatem usque ad finem teneat; qui autem malus est, quantocius a sua perversitate discedat; nec bonum hominem *præsumptio justitiae* faciat negligenter, nec malum iniiquitatis consideratio faciat desperantem, sed ille bonum fortiter teneat, iste malum celeriter deserat. Bonus timeat ne cadat, malus conetur ut surgat. Quisquis ergo malus est cum Paulo prosternatur in malo, ut cum erigatur in bono: quoniam et ille cecidit malus, et surrexit bonus. Prostratus est iniquus, et erectus est justus; cecidit saevissimus persecutor, et surrexit veridicus prædicator ^d. Cadens lumen corporis impius perdidit, surgens autem lumen cordis justificatus accepit. Coniunctus est itaque Stephano, factus est ovis ex lupo. Et ecce nunc Paulus cum Stephano lætatur, cum Stephano Christi claritate ^e perfruit, cum Stephano exultat, cum Stephano regnat. Quo enim processit Stephanus, trucidatus lapidibus Pauli, illuc secutus est Paulus, adjutus orationibus Stephani.

B 6. Quam vera vita ^f, fratres mei! ubi non Paulus de Stephani occisione confunditur, sed Stephanus de Pauli consortio congratulatur, quoniam caritas in utroque lætatur. Caritas quippe in Stephano supervaril saevitiam Judæorum, caritas in Paulo cooperuit multitudinem **558** peccatorum, caritas in utroque pariter regnum meruit possidere cœlorum. Caritas igitur est omnium fons et origo bonorum, munimen egregium, via quæ dicit ad cœlum. In caritate qui ambulat, nec errare poterit, nec timere. Ipsa dirigit, ipsa protegit, ipsa perducit. Quocirca, fratres, quoniam scalam caritatis constituit Christus, per quam ad cœlum omnis possit concendi Christianus, puram caritatem fortiter retinet, ipsam vobis invicem exhibete, et in ea proficiendo concendi. Insistite operibus bonis, ut ad præmia æterna pervenire possitis, adjuti gratia Salvatoris ^g, qui vivit et regnat in sæcula sœculorum. Amen.

SERMO IV.

De Epiphania, deque Innocentum nece, et maneribus Magorum.

D 1. Nostis, fratres carissimi, quia dies iste qui nobis in honorem Domini per annos singulos celebratur, ore cunctorum fidelium Epiphania venerabiliter nuncupatur. Et quia Græcum probatur esse vocabulum, multis est Latinis incognitum. Inde est quod nomen istud omnes quidem Latini dicunt, sed non omnes inveniuntur nosse quod dicunt. Proinde bonus est ut cuncti qui diem hodiernum Epiphaniam nuncupant, et cur hoc dicatur ignorant, sacramentum diei hujus nominis interpretatione cognoscant. Debet enim dici hujus solemnitas a fidelibus celebrari, et ideo solemnitatis causa non debet ignorari.

^d Ms., *Christi caritate.*

^e Ms., *Quam vero beata vita.*

^f Ms. unus, *Domini nostri Salvatoris.* Ms. alter, cooperante Domino.

Hunc ergo diem, sicut diximus, Epiphaniam vocat A Christiana religio. Epiphania vero interpretatur Manifestatio. Traditum autem tenemus a Patribus quod Unigenitus Dei, postquam est secundum carnem temporaliter natus, in isto die est Magis venientibus manifestatus, a quibus oblatis muneribus suppliciter est adoratus. Nam quia ipse est Deus qui sibi in Veteri Testamento (*Exod. xxv, 2*) primitias offerri mandavit, idem Deus homo natus gentium primitias suo cultui dedicavit. Apostolica vero testatur auctoritas, quia unus est Deus qui justificat circumcisum ex fide, et præputium per fidem (*Rom. iii, 30*): circumcisionis nomine Judeos, præputii nomine gentes indubitanter ostendens.

B. 2. Isti sunt duo parietes, qui ex diverso venerunt, et in lapidem qui factus est in caput anguli, in unitate fidei convenerunt. Unus paries venit ex Judæis, alter venit ex gentibus. Longe a se diversi erant, quando diversa credebant: positus est in medio lapis angularis, qui ad se utrumque parietem duceret, et utrumque uno nomine nuncuparet, essentque unum communione vocabuli, qui fierent unum in una gratia sacramenti. Per Christum enim qui est pax nostra, faciens utraque unum (*Ephes. ii, 14*), Judæi et gentiles facti sunt unum, quibus 559 fidei unitas unum indidit nominis Christiani vocabulum. Ad lapidem ergo angulararem uterque paries venit, et verum angulum fidei unitas fecit. Horum duorum parietum unus adductus est, quando pastoribus Judæis Christum natum angelus nuntiavit; alter paries adductus est, quando gentilibus Magis novum sidus apparuit.

C. 3. Illi fuerunt primitiae Judeorum, isti facti sunt primitiae gentium; illi de proximo adducti, isti de longinquo reducti. Prope enim erant Judæi qui Deum colebant, longe erant gentes quæ idolis serviebant. Hoc utique significabant pastores, qui nascente Christo prope sunt inventi, et Magi, qui sunt de longinquis partibus b adducti. Qui tamen venientes, cum ipsi Judæi non essent, regem Judeorum se querere professi sunt, et ad ipsum adorandum se venisse dixerunt. Ait enim evangelista, quia Magi ab Oriente venerunt Hierosolymam dicentes: Ubi est qui natus est rex Judæorum? Vidimus enim stellam ejus in Oriente, et venimus adorare eum (*Math. ii, 1, 2*). Quid est, dulcissimi fratres^c, ut isti Magi regem Judeorum adorandum quererent, cum ipsi Judæi non essent? Et quem regem? Utique non Herodem, sed Christum. Volunt adorare regem nuper natum, nec adorant regem ante annos aliquot ordinatum. Adorare cupiunt infans lactantem, nec adorant regem populis imperantem. Nam et de Herode rege Judeorum filii jam fuerant nati, qui erant patre mortuo regnaturi. Mortuo enim isto Herode, Archelaus in Judea regnavit, et Galilææ principatum junior Herodes obtinuit.

D. 4. Archelaus natus est in palatio, Christus in diversorio. Archelaus natus, in lecto est argenteo positus; Christus autem natus, in præsepio est brevissimo collocatus. Ille forsitan pretiosis involutus est sericis, iste vilissimis involutus est pannis. Et tamen ille natus in palatio, contemnitur; iste natus in diversorio, queritur. Ille a Magis nullatenus nominatur; iste inventus, suppliciter adoratur. Omnino spernitur primogenitus regis, et muneribus adoratur d primogenitus paupercule mulieris. Quis est iste rex Judeorum, pauper et dives, humilis et sublimis? Quis est iste rex Judeorum qui portatur ut parvulus, adoratur ut Deus? parvulus in præsepio, immensus in coelo; vilis in pannis, pretiosus in stellis: cuius nativitate comperta, Herodes turbatus est, et omnis Hierosolyma cum illo (*Ibid., 3*).

E. 5. Quid est quod sic turbaris, Herodes? Quoniam natum regem Judeorum audisti, turbaris, suspicio-nibus agitaris, invidice stimulis inflammatis, et ob hoc natum regem occidere conaris. Inanis est ista turbatio tua, et vana prorsus cogitatio tua. Rex iste qui natus est non venit reges pugnando superare, sed moriendo mirabiliter subjungare; nec ideo natus est ut tibi succedat, sed ut in eum mundus fideliter credat. Venit enim, non ut pugnet vivus, sed ut triumphet occisus; nec ut sibi de aliis gentibus auro exercitum querat, sed ut pro salvandis gentibus preciosum sanguinem fundat. Inaniter 560 invidendo sumuisti successorem, quem credendo debuisti querere salvatorem: quia si in eum crederes, cum eo regnares; et sicut ab illo accepisti temporale regnum, acciperes etiam sempiternum. Hujus enim pueri regnum non est de hoc mundo, sed per ipsum regnatur in mundo. Ipse est enim Sapientia Dei, quæ dicit in Proverbii: Per me reges regnant (*Prov. viii, 15*). Puer iste Verbum Dei est, puer iste Virtus et Sapientia Dei est. Si potes, contra Dei Sapientiam cogita. In tuam perniciem versaris, et nescis. Tu enim regnum nullatenus habuisses, nisi ab isto puero qui nunc (al. tunc) natus est, acceperisses. Puer qui nunc a Magis dicitur Rex Judeorum *, idem Creator est et Dominus angelorum. Quapropter, cujus times infantiam nascentis, magis timere debes omnipotentiam judicantis. Noli eum timere regni tui successorem, sed time infidelitatem tuæ justissimum damnationem.

F. 6. Utinam eum, Magis adorantibus, etiam tu pariter adorares, et non ad eum Magos fraudulenta calliditate mandares! Ite, inquit, et interrogate diligenter de puerō; et cum inveneritis, renuntiate mihi, ut et ego veniens adorem eum (*Math. ii, 8*). O calliditas ficta! O incredulitas impia! O nequitia fraudulenta! Si adorare istum puerum certissime disponebas, quare pro illo multos pueros occidebas? Sanguis innocentum, quem creduliter effusisti, attestatur quiu-

* MSS., utrumque.

† MSS., et Ant., de longinquis Orientis partibus.

‡ MSS., Quid est hoc, dilectissimi fratres? In uno uenest adorandum.

^d Ant., honoratur.

* MSS., Puer iste qui nunc a Magis adoratur, dicitur Rex Judeorum, idem, etc.

de hoc pueru voluisti. Et tamen non solum istum A puerum non invenisti, sed nec illis pueris aliquid no- cisti : imo inscius, quod illis proderat, hoc egisti. Per sœvitiam quippe tuam facti sunt martyres, qui per infantiam suam fuerant innocentes : quando per gratiam hujus pueri pro eo meruerunt mori, prius quam eum possent coram hominibus confiteri. Iste itaque puer, qui mundum creavit, qui mundum re- git, qui omnia quacunque ^a vult facit, qui cuncta mirabili atque insuperabili ordine ^b disponit, hoc ordinavit, hoc egit, ut per tuam invidiam furiosam illi pueri mortem susciperent pretiosam, et quod eis ad salutem tuam (*al. suam*) præstare non posses amicus, hoc ad damnationem tuam faceres inimicu^c. Ad hoc ergo te permisit infantes occidere, ut illos de te faceret triumphare. Te ergo permisit ad nequitiā, illos perduxit ad palmam. Unus enim idemque est Dominus omnipotens, qui parvulus vagiens; unus idemque est, qui tuam crudelitatem dignatus est fugere, cuius majestatem non potes effugere. Fu- git enim non formidine humana, sed dispensatione divina; fugit non necessitate, sed potestate. Ideo au- tem dignatus est in Ægyptum fugere, ut postea cru- cem dignaretur ascendere; et illa potestate puer la- tuit in Ægypto, qua potestate juvenis pependit in ligno. Unus enim idemque est mortis susceptor, vi- ueque largitor : unus idemque immortalis ex Patre, mortalvis ex matre; propria potestate moriens, pro- pria potestate resurgens.

7. Iste itaque puer qui natus est ideo non inveni- tur in numero parvorum morientium, quia ipse est exspectatio gentium. Sanguis **561** hujus pueri propterea (*al. proinde*) non cum istorum sanguine fundi- tur puerorum, quia solus in remissionem fundendus est peccatorum; et illi omnes pueri inaniter moren- tur, nisi hujus sanguine salvarentur. Et iste qui- dem puer certissime morietur, quia si mori nollet, nullatenus nasceretur. Morietur autem, non ut im- pleat sœvitiam tuam, sed ut perficiat mansuetudinem suam : faciet enim eum mori benignitas propria, non malignitas aliena. Morietur non ut tu infidelis regnes in seculo, sed ut secum regnare facial fideles in celo. Morietur non ut regnum amittat, sed ut regnatos acquirat. Morietur non ut perdat brevem vitam, sed ut conseruat sempiternam. Morietur non ut servus iniquitatis, sed ut Dominus majestatis. Morietur non vinculo necessitatis, sed proposito voluntatis. Morie- tur mirabiliter, morietur misericorditer, morietur singulariter, morietur per propriam potestatem, ut suam in omnibus adimpleat voluntatem. Ad hoc enim misericorditer morietur, ut resurgens cunctis genti- bus dominetur. Morietur ergo sicut unus ^d, et qui- dem, quem Deum hominem concepit fides virginis, et Deum hominem peperit secunditas virginalis.

^a MSS., *quacunque vult fecit.*

^b MSS., *insuperabili divinitate.*

^c Hæc verba habentur in mss. et in Ant., non in altis.

^d Locus hic videtur mancus, nec ex mss. potuit a nobis restitui.

B 8. Si nescis veram hujus pueri deitatem, attende stellam in celo fulgentem, Magos præcedentem, et iter ignorantibus ostendentem. Hæc stella nunquam ante apparuit, quia nunc eam puer iste creavit, et Magis ad se venientibus præviā deputavit. Iste puer in præsepi quidem parvulus collocatur, sed magnus in celo mirabiliter operatur. Permittit se manibus in terra portari, sed præcipit sibi coelestia famulari. Quid est ergo quod infantilem attendis etatem, et ejus divinam non intelligis potestatem? Sic fuit veraciter intimanda pueri hujus naturalis divinitas, et naturalis humanitas, utraque naturaliter vera, utraque unita, nec in se invicem confusa, nec a se invicem separata. Ipsum enim habuit Maria filium de se natum, cui stella debitæ servitutis exhibuit famulatum. Ipsum eundemque Maria in Bethlehem Deum (*al. Dominum*) hominem peperit, quem stella Magis in Oriente positis nuntiavit. Magi ergo venerunt, et filium Virginis unum eundemque (*al. Dominum*) Deum hominem cognoverunt.

C 9. Denique attende quid obtulerunt, et agnosce quid crediderunt ^e. Resert enim evangelista quia in- trantes domum, invenerunt puerum cum *Maria matre ejus*: et procidentes adoraverunt eum; et apertis the- sauris suis obtulerunt ei munera, aurum, thus et myrram (*Matth. ii, 11*). Per ista tria munera genera, in uno eodemque Christo et divina majestas, et regia potestas, et humana mortalitas intimatur. Thus enim ad sacrificium, aurum pertinet ad tributum, myrra ad sepulturam pertinet mortuorum. Omnia hæc sancta fides Christo veraciter offerre non desinit, dum unum eundemque verum Deum, verum regem, verumque hominem credit, et vere pro nobis mortuum veraci- ter recognoscit ^f.

D 562 10. In oblatione thuris confunditur Ari- anus, qui soli Patri sacrificium offerri debere ^g con- tentit: in oblatione myrræ confunditur Manichæus, qui Christum vere mortuum pro nostra salute non credit: in auro vero simul uterque confunditur, quia et Manichæus de semine David secundum carnem natum non credit regem, et Arianus Deo Unigenito naturalem assignare nititur servitutem. Proinde ute- que non experietur regem, a quo per fidem regatur (*al. regnatur*), sed a quo pro infidelitatis crimen puniatur: quia ab uno divinitatis, ab altero carnis veritas denegatur. In iisdem muneribus confunditur etiam Nestorius, qui nititur Christum in duas perso- nas dividere: cum videat Magos non alla Deo et alia boni, sed uni Deo homini eadem munera obtulisse suppliciter. Non ergo dividatur in personis, qui non inveniuntur divisus in donis. Propterea quippe unus idemque istis muneribus honoratur, ut unus idemque Deus et homo cognoscatur. Ista Magorum oblatio confundit etiam Eutychetis insaniam, qui non vult in-

^e Ms. unus, *quid obtulerint, et agnosces quid credi- derint.*

^f Estiti, ut... recognoscas. Ms. unus, *ut (legendum et)... recognoscit...*

^g Ita mss. et Ant. Cæteri vero habent sacrificium deberi.

Christo utramque veram predicare naturam. Veritatem quippe istorum munerum tollit, dum in Christo unam naturam praedicare contendit.

11. Nos itaque, dilectissimi fratres, offeramus Christo indubitanter in fide, quod Magi obtulisse cognoscuntur in munere: ut veræ divinitatis humanitatisque confessio ipsa sit apud Christum nostra fideliæ oblatio. Hæc munera cum Magis unanimiter offeramus, et ad regionem sanctorum tota cordis devotione tendamus. Nec teneamus viam veteris vite, sed diuinis mandatis humiliter obsequentes, viam mutemus, et in qua (*al. et qua*) præcepit Dominus ambulemus, ut ad patriam pervenire valeamus, ubi sine fine cum ipso Domino gaudemus. Via enim hominis est vita ejus. Qui male vivit, viam tenet erroris; qui bene vivit, per viam graditur veritatis. Quapropter qui ambulabat viam fornicationis, viam teneat castitatis; qui viam tenebat avaritiae, teneat viam misericordiae; qui ambulabat per viam fictionis, viam teneat nuanc puritatis. Ambulemus bene per fidem, ut perveniamus ad speciem (*al. spem*), ubi plenum erit gaudium nostrum, quia implebitur in bonis * desiderium nostrum, per eum qui vivit et regnat in æcula sanctorum. Amen.

583 SERMO V.

De caritate Dei ac proximi.

1. Quantum cupio sanctitati vestre debitum reddere de caritate sermonem, tantum me caritatis magis fieri video debitorem; nec invenio qualiter possim verbis explicare præconium caritatis, in qua sic debemus, quandiu in hoc seculo vivimus, crescere invicem diligendo, sicut eam jubemus semper debere reddendo. Beatus namque apostolus Paulus, dum nos omnibus debitibus præcepisset absolví, solo nos mutuæ caritatis debito semper voluit detineri, dicens: *Nemini quidquam debeatis, nisi ut invicem diligatis* (*Rom. xii, 8*). Ista est apostolica summa doctrinæ. Hæc sunt consulta caritatis paternæ, ut nemini quidquam debeamus, nisi ut invicem diligamus. Cun ergo audiimus, ut nemini quidquam debeamus, non in hoc verbo remaneamus, sed audiamus et faciamus quod sequitur, ut nos invicem diligamus: et inveniemus sanctam caritatem, quam semper debendo reddamus, et reddendo salubriter debeamus. Magna res caritas est, dilectissimi fratres, quam docente Apostolo sic jubemus semper reddere, ut eam nihilominus jubeamus sine intermissione debere. O caritatis debitum bonum, debitum sanctum, debitum colestibus referatum commodis, debitum sempiternis plenum omnino dñitius!

2. Magna, fratres, hoc debito lucra conquirimus, immensa commoda tali senore comparamus. Dum enim caritas a nobis redditur et debetur, omnis nostra iniquitas dimittitur et deletur. Ipsam denique caritatem sibi beatus David ad delendas iniquitates suas redonari poscebat, quando pro peccato gravi Dominum lacrymabiliter exorabat. Nam cum illece-

A broso quondam captivatus aspectu, militis sui adulteraret uxorem, et scelere geminato maritum quoque interficeret innocentem, post perpetrationem peccati per prophetam correptus oraculo, et post confessionem recreatus medicinali responso, dum paenitentie verba supplici prostratus obsecratione depromeret, quibus Deum justum, Regem regum, et Dominum dominorum quantocius placaret, inter cætera dixisse cognoscitur: *Averte faciem tuam a peccatis meis, et omnes iniquitates meas dele* (*Psal. l, 11*); et quoniam sine caritatis dono fieri non posse cernebat, illico subjunxit: *Cor mundum crea in me, Deus, et spiritum rectum innova in visceribus meis* (*Ibid., 12*). Cor autem mundum caritatis esse domicilium his verbis commendat Apostolus, dicens: *Finis enim præcepti est caritas de corde puro, et conscientia bona, et fide non facta* (*I Tim. i, 5*).

3. Proinde duo quedam in his prophetæ verbis diligentius consideranda sunt nobis: unum quod a se poposcit auferri, alterum quod sibi postulavit attribui. Petiti enim deleri iniquitates suas, cor autem **584** mundum in se creari, et spiritum rectum innovari in visceribus suis. Quid est autem iniquitas, nisi prava cupiditas? Et quid est cordis munditia, nisi sancta Dei et proximi caritas? Dicens igitur propheta: *Averte faciem tuam a peccatis meis, et omnes iniquitates meas dele*, statimque subjungens: *Cor mundum crea in me, Deus, et spiritum rectum innova in visceribus meis, quid alij dixit, nisi: Dele a me maculam pravæ cupiditatis, et dona mihi gratiam caritatis?* Aufer a me cupiditatem, per quam possum damnari; et dona mihi caritatem, per quam merear coronari. Aufer a me cupiditatem, propter quam in tormento sine intermissione doletur et gemitur; et dona mihi caritatem, per quam in celo sine fine regnatur. Si enim habuero caritatem, quam debendo reddam, et reddendo debeam, non timebo iniquitatem, quam sine fine dolendo persolvam. Bene igitur præcipit Apostolus ut nemini quidquam debeamus, nisi ut invicem diligamus: hoc enim debito auferitur a nobis cumulus omnium delictorum, quia *caritas cooperit multitudinem peccatorum* (*I Petr. iv, 8*). Nemo autem putet, fratres, sic a nobis oportere caritatem redi, ut redditia desinat aliquando deberi. Cum enim redditur, plus debetur; et eo magis acquiritur, quo redditur cum debetur. Nam qui se caritatis non semper existimat debitorem, non se debito gaudeat absolutum, sed dono caritatis lugat destitutum. Neque enim habet caritatem quam habere destitut, quia prodigas debitor non reddendo perdidit, quam ut semper redderet, et semper haberet, accepit. Quocirca tunc se noverit perdidisse quod accepérat, dum non reddiderit quod debebat.

4. Sed dicit aliquis: Cui hanc debeo? vel cui hanc me oportet reddere caritatem? Respondemus caritatem omnibus hominibus esse redditam, id est notis et ignotis, et bonis et malis, et amicis et inimicis. Nam cum beatus Apostolus dicat: *Ergo cum tempus*

* I.a mss. At. edd., in nobis

† Absunt reliqua a miss.

habemus, operemur quod bonum est ad omnes, marime autem ad domesticos fidei (*Gal. vi, 10*), evidenter ostendit quod in opere caritatis sit quidem alius alius (*al. alio*) præferendus, nemo tamen sit a caritatis beneficiis excludendus. Caritas itaque illa sancta, pura, et ut proprie dicam, caritas Christiana, quæ patiens est, quæ benigna est, quæ non temeratur, quæ non agit perperam, non inflatur, non est ambitiosa, non querit quæ sua sunt, quæ non irritat, non cogitat malum, non gaudet super iniquitate, congaudet autem veritati, quæ omnia sufficit, omnia crebit, omnia sperat, omnia sustinet, caritas quæ nunquam cadit (*I Cor. xiii, 4 et seq.*), si (*forte sic*) complectatur amicos, ut dilatetur usque ad inimicos: amicis se volentibus reddat, inimicis se nolentibus ingerat; istos teneat, illos acquirat; istos oblectet, ut ex amicis non efficiantur inimici; illos invitet, ut sicut ex inimicis amici.

5. Recordemur, fratres, verborum Domini dicentis: *Dilexite inimicos vestros, benefacite his qui oderunt vos, et orate pro persecutibus et calumniantibus vestros* (*Matth. v, 44*). Ecce Dominus usque ad inimicos caritatem jubet extendi, et usque ad persecutores Christiani cordis benevolentiam dilatari. Et quæ merces operum tantorum dabitur? vel quod **585** munus præcepit huic obedientibus consertur? Ipse demonstrat a se præparatam caritati mercedem, qui per Spiritum sanctum gratis ipsam dignatur infundere caritatem: ipse nobis dicat quid pro caritate redditurus sit dignis, qui eamdem caritatem donare dignatur indignis. Dicit igitur Dominus, dicat, et proprio sermone magistrinam nobis sue promissionis ostendat: *Ut sita, inquit, siti Patris vestri qui in celis est* (*Ibid., 45*). Cum enim diligendos præcipere inimicos, amarum forsitan erat quod audiendi jubebatur: sit, quæso, dulce quod obedienti promittitur. Teneatur ergo dulcedinis hujus in corde suavitatis, et amaritudinis illius superabitur difficultas. Qui enim dileixerint inimicos suos, et benefecerint eis qui eos oderant, filii Dei erunt.

6. Quid vero accepturi sunt isti filii Dei Apostolus enuntiat dicente: *Ipse Spiritus testimonium reddit spiritui nostro, quia sumus filii Dei. Si autem filii, et heredes: herèges quidem Dei, cohæredes autem Christi* (*Rom. viii, 16, 17*). Audite igitur, Christiani; audite, filii Dei; audite, heredes Dei et cohæredes Christi. Ut paternam possideatis hereditatem, non solum amicis, sed etiam inimicis impendite caritatem. Nulli caritas denegetur, quæ ab hominibus (*forte omnibus*) bonis communiter pos idetur. Omnes eam simul habete, et ut eam magis habeatis, et bonis eam et malis impendite. Possessio enim est bonorum ista communis, non terrena utique, sed celestis; et ideo nullum in ea facit angustiari persona consortis. Tantum vero augetur caritas, quantum fuerit immunita cupiditas; et illum facit caritas semper liberum, quem non tenuerit cupiditas mundana captivum. *Caritas donum Dei est*, dicente Apostolo: *Caritas Dei diffusa est in cordibus nostris per Spiritum sanctum qui datus est nobis* (*Rom. v, 5*). Cupiditas la-

A queus est diaboli, non solum laqueus, sed etiam gladius: per ipsam miseros capit, per ipsam captos interficit. Caritas est radix omnium bonorum, cupiditas radix est omnium malorum (*I Tim. vi, 10*). Cupiditas semper cruciatur, dum rapiendo non sanatur. Caritas autem semper latetur, quoniam quantum multiplicatur, tantum largius erogatur. Et ideo sicut adipiscendo pauperascit appetitor iniquitatis, ita reddendo ditescit redditus caritatis. Perturbatur cupiditas dum ulcisci querit injuriam, tranquilla est caritas dum donare delectatur.

566 SERMO VI.

De sancto Cypriano martyre.

1. Claram tanti martyris patalis diem, beati scilicet Cypriani, quo, terrenis ac moribundis membris exutus, ad æternæ præmia vitæ transmigravit, et sacerdotii ejus doctrinam et martyrii nobis victoriam commendavit, fecitque ex temporali quondam tristitia liberiorem. Dum enim inter periculum cruentæ mortis et gloriam devoti certaminis episcopus confitendo patitur, Ecclesia orando compatitur. Quis ne sciat, ac non potius prudenti consideratione cognoscit, bunc ipsum qui nunc annua circumstitutione festus nobis revolvitur dies, Christianis ac religiosis mentibus illo tunc tempore suis sollicitum, dum aduersus diabolum ab antistite suscepto culmine, pia plebis exspectatio trepidaret, atque ita fides resistret persequenti, ne caro succumberet blandienti; ita pastor præcederet, ne ovile desereret, descriptumque (quod absit) lupus invaderet? Dolebat Ecclesia subtractum interim suo consortio tam clarissimum sacerdotem: sed tamen gaudebat prostrato adversario Christi martyrem extitisse victorem. Erat in memoria doctrina laudabilis, versabatur ante oculos virtus mirabilis, quando tantus Deus servabat quod docuerat, et quid cæteri facere deberent, non jam verbis, sed operibus demonstrabat, fidem sermonum, exemplis rerum, valida soliditate confirmans, credens et confidens pro omnium salute Christum mortuum, ac se pro ejus nomine non subtrahere occidendum. Cujus enim sanguine tunc indignus redemptus fuerat, dignum suum sanguinem pro illo fundebat; et cuius sanguinem in hac vita fideliter hiberat, ab ipso sibi æternam vitam reddi posse crediderat.

2. Dedit enim eis benedictionem quæ legem dederat, ut ambularent de virtute in virtutem: de virtute fidei sincerissimæ in virtutem conflictionis constantissimæ; de virtute caritatis flagrantissimæ in virtutem passionis gloriissimæ. Credidit enim, locutus est; dilexit, et secutus est. Audierat enim a Domino dictum: *Qui me diligit, sequitur me* (*Joan. vi, 26*); et iterum: *Qui credit in me, non morietur in æternum*. Et pater (*al. pariter*) fidelis secutus est vestigia Salvatoris. Interritus contempsit principum jussa et judicium edictum. Paratus exceptit percussoris ictum, et animum soli Deo subditum etiam ipsa mors servavit invictum. Denique nihil eum revocavit a pastoris gregisque custodia, exsiliis locus, apparitor violentus, persecutionis tempus, judicis metus, imminens gla-

dius, proximus mortis occasus. Nam et in exsilio constitutus, atque ab Ecclesia sibi commissa corpore tantum non mente separatus, pauperum alimenta; et in occulto absconditus, discipline censuram; et a principe detentus, virginum pudicitiam; et ad tribunal **567** exhibitus, clericorum tutelam; et ministratus, robustam conscientiam; et subdole consumptus, spiritalem cautelam; et inique judicatus, Christianam patientiam custodivit. Plebem frequentibus litteris admonens, inopes largioribus elemosynis foyit, martyres hortamentis pariter et exemplis ad subeundum prælium promovit, et donec ponat animam, non deserit curam.

3. Denique custoditur et custodit, proprii doloris se: urus contemtor, alieni pudoris sollicitus conservator, plus metuens luxuriae quam tristitiae, magisque cavens diaboli oblectamenta, quam pertimescens multa tormenta. Pro fide adversus leonem vigilat rugientem, pro castitate adversus sibilantem dimicat. Vincit in suo corpore nequitiam saevientis, in puerularum carne mollitiem blandientis; calcans minas persecutoris, vitat fallaciam deceptoris; nec in quoquam furenti cedit, nec quidquam furari violento concessit. Proinde considerantes ejus luctam, perseverant am, victoriam pariter et coronam, et quid evaserit, quo pervenerit, dulci mentis speculo resfoventes, annua devotione cantemus: *Benedictus Dominus, qui non dedit nos in renationem dentibus eorum. Laqueus contritus est, et nos liberati sumus* (*Psal. cxxiii, 6, 7*).

SERMO VII.

De latrone crucifixo cum Christo.

1. Mirandum pre cæteris festivitatibus sanctis, venerandumque mysterium Pascha Domini celebravimus. Pascha enim Hebraice, Latine interpretatur Transitus. Hunc transitum iniquitas intercluserat nostra, donec clavicula crucis aperiretur. Quia Dominus et Salvator noster Jesus Christus habuit quidem mortalem carnem, sed animam non habuit peccatricem. Suscipiendo cenam sine culpa, culpam fecit transire sine poena. In cuius passione cuncta commota sunt sidera, et eventum dominici vulneris eleme ta tremuerunt. Expavit dies non solitam noctem, et non suas tenebras mundus invenit. Stetit sub incerto lumine dies inclusus, et pene ipsa lux mundi mori visa est cum Deo. Ad hoc scilicet omnis claritas migravit in noctem, ne sacrilegium cernere congeretur. Clauerat enim suos oculos coelum, ne in cruce aspiceret Dominum. Et jam mundus ipse testis esse non meruit, ut solus aspiceret qui percussit. Percussit lancea persecutor, et fudit prælrium nostrum Redemptor. Quando enim passus est Dominus, omnes apostoli fugerunt, omnes enim dimiserunt. Ubi est turba illa qua Dominum precedebat, illa, inquam, turba qua dicebat: *Hosanna filio David, benedictus qui venit in nomine Domini* (*Matth. 21, 9*)?

2. Passus est Dominus, et omnes fugerunt. Facti sunt omnes muti, amore tepidi, timore compressi, paulo post fugient. Alii ergo non agnoverunt miracula facientia; agnoverit latro in cruce pendentem,

A 568 confixus omnibus membris. Confixa manus, confixa pedes, confixa omnia membra. Tolum corpus in cruce ligebatur, et tamen lingua Christo confitebatur. Unus autem locus erat trium crucifixorum: in medio Dominus, qui *inter iniquos deputatus est* (*Isai. LIII, 12*): duos latrones hinc atque inde posuerunt, sed causam similem non habuerunt. Lateribus pendentis adjungebantur, sed longe separabantur. Illos crucifixerunt facinora sua, Christum crucifixerunt peccata nostra. Verum etiam in uno ipsorum satis apparuit quantum valeret non cruciatus pendentis, sed pietas confidentis. Acquisivit latro in dolore quod Petrus perdidera in timore. Scelus admisit, crucem ascendit, causam mutavit, paradisum comparavit. Meruit omnino causam mutare, qui non contempsit in Christo similitudinem ponæ. Judæi contempserunt miracula facientem, ille credit in pendentem. Consortem crucis Dominum agnovit, et in regnum colorum latro violentus credendo vim fecit. Tunc in Christo latro credidit, quando fides apostolica trepidavit. Merito audire meruit: *Hodie mecum eris in paradiiso* (*Luc. xxii, 43*). Hoc enim quidem ipse sibi non promiserat. Magnæ quidem misericordiae se commendabat, sed et sua merita cogitabat. *Domine, inquit* (*v. 42*), *memento mei cum veneris in regnum tuum*. Quousque veniret Dominus in regnum suum, ille se in penitus futurum sperabat, et saltem in ejus adventum misericordiam in se fieri flagitabat.

C 3. Proinde latro sua merita cogitans dilecerat; sed Dominus latroni quod desperaverat offerebat, tanquam diceret: Tu petis ut meminerim tui cum venero in regnum meum, et ego tibi dico: *Hodie mecum eris in paradiiso*. Agnosce cui te commendas, quem credis venturum. Antequam veniam, ubique sum. Ideo quanvis in infernum descensurus, habebo te hodie mecum in paradiiso, non alteri commendatum, sed mecum. Ad homines enim mortales et ad ipsos mortuos descendit humilitas mea; de paradiiso autem nunquam discessit divinitas mea. Ita factæ sunt tres crucis, tres cause: unus latronum Christo insultabat; alter, sua mala confessus, Christi se misericordiae commendabat. Crux Christi in medio non fuit supplicium, sed tribunal. Insultantem damnavit, credentem liberavit. Timete insultantes, gaudete credentes. Hoc faciat Christus in claritate quod fecit in humilitate. Munera divina de profundo veniunt iudicio. Mirari ea possumus: investigare autem non valamus; nec explicare.

D 569 SERMO VIII.*De sancto die Pentecostes.*

1. Anniversaria solemnitas agitur qua die Dominus noster Jesus Christus Spiritum sanctum Paracletum misit, quem discipulis ante promisit. Dixerat enim: Non potest ille venire, nisi ego abiiero (*Joan. xvi, 7*). Quadragesimo itaque die post resurrectionem suam, cuius solemnitatem ante decem dies egimus, ascendit in coelum, nec immemor pollicitationis sue hodie misit Spiritum sanctum, quem promisit centum viagiis, qui simul fuerant congregati, tandemque Do-

mini promissionem fideliter expectabant. Omibus linguis locuti sunt. Sic quippe tunc Deo placuit sancti Spiritus significare presentiam, ut qui eum accepisset, omnibus linguis loqueretur. Prius itaque breviter videamus, quando eum promisit, quare dixit: Non potest venire ipse, nisi ego abiero. Neque enim separabilis est a Filio Dei Spiritus sanctus, aut impotens erat eo presente venire, a quo non potest discedere. Sed quoniam adhuc discipulis infirmis formam servi Dominus demonstrabat, in qua Verbum caro factum est, et habitavit in nobis; causam (*forte formam*) vero servi, id est carnem Domini, etiam carnales poterant intueri; forma autem Dei, in qua non rapinam arbitratus est esse se aequalem Deo (*Philip.* ii, 6), non potest nisi a spiritualibus cogitari, propterea dixit: Non potest ille venire, nisi ego abiero, tanquam diceret: Quandiu circa meam carnem occupatus est uester carnalis affectus, tandem meam divinitatem non suscipit uester spiritualis obtutus. Dono enim Spiritus sancti promiserat eos introducendos in omnem veritatem, sicut scriptum est: *Fide mundans corda eorum* (*Act. xv, 9*). *Beati autem mundo corde, quia ipsi Deum ridebunt* (*Math. vi, 8*). Abscessit itaque corporalis forma Domini a corporalibus oculis eorum, ut per Spiritum sanctum divinitas Domini insinuaretur coribus eorum.

2. Nunc deinde videamus quare tunc hoc erat signum presentiae Spiritus sancti, ut qui eum accepissent linguis omnibus loquerentur. Neque enim etiam nunc non donatur Spiritus sanctus, et tamen qui eum accipiunt non loquuntur linguis omnibus, quo evidenti miraculo se illo tempore demonstrabat. Intelligendum est, fratres carissimi, hunc esse Spiritum suum, quo caritas diffunditur in cordibus nostris. Et quoniam caritas Ecclesiam Dei congregatura fuerat toto orbe terrarum, quod tunc etiam unus homo poterat Spiritum sanctum accipiens linguis omnibus loqui, nunc sancto Spiritu congregata ipsa unitas Ecclesie linguis omnibus loquitur. Poniode si quisquam dixerit alicui nostrum: Acceperisti Spiritum sanctum, quare non linguis omnibus loqueris? respondere debet: Loquor sane omnibus linguis: quia in eo sum Christi corpore, hoc est in Ecclesia, que loquitur omnibus linguis. Quid enim aliud tunc Deus significavit per sancti Spiritus presentiam, nisi Ecclesiam seam omnibus linguis locuturam? **570** Impletum est itaque quod promiserat Dominus: *Nemo mittit vinum novum in utres veteres, sed vinum novum in utres novos mittant, et ultraque servabuntur* (*Math. ix, 17*). Merito ergo cum audirentur linguis omnibus loqui, nonnulli dicebant: *Hi musto pleni sunt* (*Act. ii, 12*). Jam enim facti fuerant utres novi, sanctitatis gratia renovati, ut vino novo, hoc est Spiritu sancto repleti, omnibus linguis loquendo serverent, Ecclesiam catholicam per omnium gentium linguas futuram evidentissimo illo miraculo praesignarent. Ac per hoc recte creduntur haeretici Spiritum sanctum non habere, qui dividunt a corpore, quod per omnes gentes linguis omnibus meruit personare.

3. Hunc itaque dilem sic celebre, tanquam mem-

Abra unifatis corporis Christi. Non enim frustra celebratis, si hoc estis quod celebratis: illi Ecclesie coherentes, quam Dominus implens Spiritu sancto, toto mundo crescente agnoscit suam, et agnoscitur a sua. Tanquam sponsus sponsam non perdidit propriam, nemo ei supponit alienam. Vobis enim omnibus gentibus constitutis, hoc est Ecclesie Christi, membris Christi, corpori Christi, sponsae Christi, Apostolus dicit: *Sufferentes invicem in dilectione, studentes invicem servare unitatem Spiritus in vinculo pacis* (*Ephes. iv, 2, 3*). Videte quia ubi praecepit ut sustineamus invicem, ibi posuit dilectionem; ubi spem nominavit unitatis, ibi ostendit vinculum pacis. Hec est domus Dei de vivis lapidibus fabricata, in qua talorem patrem familias delectet habitare, cujus oculos B ruina divisionis non debet offendere.

SERMO IX.

De sancto Vincentio.

1. Miror, fratres, si adhuc aliquid vultis audire. Post tantam quippe que nobis lecta est modo martyri passionem, et superflius est dictor, et fastidiosus auditor. Legebatur etenim modo nobis judex ferus, tortor cruentus, et martyr invictus: in cuius corpore poenis variis exarato jam tormenta defecabant, et adhuc membra durabant. Tot convicta miraculis persistebat impetas, tot vexata suppliciis nomine cedebat infirmitas, agnoscebatur opera divinitas. Quando enim corruptibilis pulvis contra tam immannia tormenta duraret, nisi in eo Christus habitaret? Ego certe, fratres, post tantum spectaculum, quod mentibus nostris series decursa lectionis exhibuit, non committerem vestris auribus sermonem meum, nisi quia laudem Domini loquitur os meum (*Psal. cxii, 4, 21*). In his ergo omnibus ille agnoscendus, ille glorificandus, ille laudandus est, qui et prima vocatione deit fidem, et in suprema passione virtutem. Vultis nosse quia utrumque donatum est? Audite apostolum Paulum: *Vobis, inquit, donatum est a Christo, non solum ut credatis in eum, verum etiam ut pertinetamini pro eo* (*Philip. i, 29*). Acceperat huc ultraque **Vincentius.** **571** Acceperat, ideo habebat. Si enī non acciperet, quid haberet? Habebat in sermone fiduciam, habebat in passione tolerantiam. Nemo ergo de suo corde presumat, quando profert sermonem. Nemo de suis viribus fidat, quando suffert tentationem. Quia et ut bona prudenter loquuntur, ab illo nostra est sapientia.

2. Recolite Dominum Christum suos in Evangelio discipulos admonentem. Recolite martyrum Regem cohortes suas armis spiritualibus instruentem, bella monstrantem, adjutoria ministrantem, premia pollicentem. Qui cum dixisset discipulis suis: *In hoc mundo pressuram habebitis* (*Joan. xvi, 33*), mox, ut deterritos consolaretur, adjunxit, *Sed confidite, quia ego vici mundum* (*Ibidem*). Quid ergo miramur, fratres carissimi, si in illo vicit Vincentius a quo vicius est mundus? *In hoc mundo, inquit, pressuram habebitis.* Etsi premit, non opprimit: etsi oppugnat, non expugnat. Geminam mundus sciens producit contra militi-

tes Christi. Blanditur enim ut decipiat, terret ut frangat. Non teneat voluntas propria, et non terreat crudelitas aliena. Ad utrosque aditus occurrat Christus, et non vincitur Christianus. Si consideretis in ista passione humanam virtutem fuisse, incipit incredibilis esse : si agnoscatur divina fuisse, agnosctur mirabilis esse. Tanta grassabatur crudelitas in martyris corpore, et tanta tranquillitas proferebatur in voce. Tot poenarum asperitas saeviebat in membris, et tanta securitas sonabat in verbis.

3. Mirum in modum putaremus Vincentio patiente alium loqui, aut certe alium Vincentio loquente torqueri. Et vere, fratres, ita erat, prorsus ita erat, alius loquebatur. Promisit enim et hoc testibus suis Christus. Audistis modo. In Evangelio loquebatur, et dicebat suis, quos ad hujuscemodi certamina praeparabat : *Nolite cogitare quomodo, aut quid loquamini. Dabitur enim vobis in illa hora quomodo aut quid loquamini.* Non enim vos estis qui loquimini, sed *Spiritus Patris vestri qui loquitur in vobis* (*Math. x, 19, 20*). Caro ergo patiebatur, spiritus loquebatur. Et loquente spiritu non solum convincebatur impietas, sed etiam confortabatur infirmitas. Clariorem nobis martyrem tormenta faciebant. Multiplici vulnerum varietate confossus, non deserebat pugnam, sed acrius iterabat. Putes quod cum duraret flamma, non ureret ; et tanquam siguli fornax lutum molle suscipiens duram redderet terram. Poterat martyr noster dicere Datiano : Jam non curat ignes tuos caro mea : quia *exeruit velut testa virtus mea* (*Psal. xxi, 16*). Quia veraciter scriptum est : *Vasa siguli probat fornax, et homines justos tentatio tribulationis* (*Eccli. xxvii, 6*). Probatus atque decoctus est illo igne Vincentius. Datianus vero arsit et crepuit. Si enim non ardebat, unde sumabat ? Quid erant verba irascentis, nisi sumus ardentes ? Ergo martyri nostro refrigerium in corde habenti flaminas extrinsecus admovebat ; sed ipse facibus furoris accensus, tanquam clibanus intus ardebat, et habitatorem suum diabolum concremabat. Per furiosas enim quas audistis Datiani voces, per truces oculos et minaces vultus, per turbulentos totius corporis motus, ille habitator ejus interior se movebat, per haec signa visibilia, tanquam **572** per sui vasculi quod impleverat crepantes rimulas prodebat. Non tantum cruciabat martyrem flamma, quantum illum vastabat insanitia.

4. Sed jam, fratres, illa omnia transierunt, et ira Datiani, et poena Vincentii. Manet autem poena Datiano, corona Vincentio. Denique ut, praetermissis interim future tribulationis finibus, etiam in hoc mundo martyrum gloriam demonstremus ; quæ hodie regio, quæ provincia transmarina, quoisque vel Romanum imperium, vel Romanum nomen extenditur, natalem non gaudet celebrare Vincentii ? Quis autem hodie vel nomen Datiani audisset, nisi in ista passione legisset ? Quod vero tanta cura servavit Dominus, sicut audistis, martyris corpus, quid aliud demonstravit, nisi se gubernasse vincentem, quem non reliquit exanimem ? Vicit ergo Datianum vivens Vincentius, vicit et mortuus : vivens tormenta calcavit, mortuus maria

A transnatavit. Sed ipse inter undas gubernavit cadaver extinctum, qui inter ungulas animum donavit invictum. Non flexit flamma tortoris cor ejus, non mersit aqua maris corpus ejus ; sed in his omnibus nihil est ejus, nisi quod *pretiosa est in conspectu Domini mors sanctorum ejus* (*Psal. cxv, 15*).

SERMO X.

De eo quod ait Michaelis propheta, Indicabo tibi, homo, quid sit bonum.

1. De presenti prophetica lectione, in qua nostrorum magna continetur utilitas animarum, vestre caritati loqui disponimus, ab illo poscentes sermonis congruam facultatem, a quo bonam gratis accipimus voluntatem. Quis autem hanc donat, nisi Deus, qui *operator in suis et velle et perficere, pro bona voluntate* (*Philipp. ii, 13*) ? Proinde verba sancti Michaelis, quæ pariter audivimus, pariter revolvamus. Et utinam, fratres, sicut ea sermone revolvimus, sic operibus impleamus ! Audivimus enim verba hominis sancti, hominis justi, hominis pii, hominis de sua salute solliciti, hominis qui se sciebat creatum a Deo, qui se cogitabat esse sub Deo : qui cum magno timore et tremore divinum expectabat judicium, in quo se noverat non solum de factis et dictis, verum et de ipsis cogitationibus suis rationem ante tribunal justi Judicis redditurum. Cogitans itaque futurum judicium Dei, de quo debemus etiam nos cuncti metuere, et in omnibus operibus nostris cum magna cordis formidine cogitare : hoc cogitans homo iste sanctus et justus, quererebat quid ficeret, vel quibus muneribus Deum judicem deprecaretur. Sciebat autem omnipotentem Deum, qui omnia condidit, qui cuncta ex nihilo fecit, qui nihil ex indigentia paupertatis, sed universa **573** ex abundantia bonitatis instituit, non sola querere munera nostra, sed etiam opera nostra. Imo sciebat in hoc maxime Deum delectari muneribus nostris, ut ei placeamus moribus sanctis et operibus bonis. Querens igitur homo iste quid ab homine offerendum sit Deo, dicebat : *Quid dignum offeram Domino* (*Mich. vi, 6*) ? Hoc autem verbo, quo non ait, *Quid offeram Domino?* sed, *Quid dignum offeram Domino?* docuit nos, ut si quando munus offerre Deo volumus, aliquid dignum queramus, et hoc offeramus. Quid autem potest esse in oblatione Deo dignum, nisi quod est in creatura precipuum ? In omnibus vero creaturis quis fecit Dominus super terram, nulla melior inveniri poterit quam illa creatura quam Deus ad suam imaginem fecit. Haec autem creatura in terris homo est.

D 2. Quisquis igitur offerre vult aliiquid dignum Deo, non prius aliud quid offerat quam seipsum ; Deus enim, qui hominem ad imaginem suam fecit, imaginem suam sibi delectatur offerri, ipsam sibi puram et mundam precipit exhiberi. Inde est quod Salvator noster quibusdam tentantibus eum ita respondit : *Reddite Cæsari quæ Cæsaris sunt, et quæ sunt Dei Deo* (*Math. xxii, 21*). Hoc est dicere : O homo, sicut imaginem suam Cæsari reddit in nummo, sic reddo Deo suam imaginem in teipso. Redde, homo, creatori tuo imaginem suam ; redde justam, non iniquam ;

reddile humilem, non superbam: non avaritia turpem, non rapacitatem deformem, non vitio iracundiae levem, non terrena dilectione contritam, non livore sordidam, non fornicatione pollutam; sed prudentiae pondere integrum, fidei veritate mundam, et bonis moribus atque operibus splendidam. Quomodo autem Deo imaginem suam reddamus in nobis, propheta sanctissimus admonet dicens: *Indicabo tibi, homo, quid sit bonum et quid Dominus querat a te. Utique facere judicium, et justitiam, et diligere misericordiam, et sollicitum ambulare cum Deo tuo* (*Mich. vi, 8.*)

3. Primum itaque quid sit facere judicium, quod beatus propheta primum posuit, inquiramus. Judicium dicitur conventus, ubi accusatio, et defensio cuiuslibet hominis agitur: unde necesse est ut adjudicatus exeat qui fuerit reus, et victor abscedat qui probatur innoxius. Revertere igitur ad te, homo. In te quare accusationem, in te quare defensionem, in te quare judicium. Imo tu esto et accusator, et defensor, et judex. Intra in secretarium cordis tui, ubi soli te vident oculi Domini Dei tui. Ibi te accusa, ut valeas accusatione defendi. Ibi te convince, ut victoriā possis adipisci. Ibi te condemnā, ut merearis absolvī. Ibi te puni, si vis ab æternæ punitiois suppicio liberari. Fac in te, Christiane, verum rectumque judicium, sollicite secreta tui cordis attende. Facta tua mala tibi ante oculos tuos pone: quæcumque deleveras in intimo libro tuæ recordationis recense frequenter ac relege; sine conniventia te ipsum discute tu ipse, et cogitationum tormentis afflige. Tu an te justam sententiam prome. Quidquid mali feceras peccando, puni veraciter pœnitendo; et judex effectus peccatorum tuorum, quod facere solent judices capitalibus reis hoc ipse fac iniquitatibus tuis. Noli accipere personam **574** tuam, cum judicas causam tuam. Sed cum severitate mala tua discute, cum rigore (*al vigore*) in peccata tua condemnationis sententiam prome, et peccata quæ in te condemnas, occide.

4. Hoc est autem peccata occidere, peccatis deinceps nullatenus obedire. Noli ergo esse peccatorum factor, et eris occisor. Si vero fueris in peccata tua iudex justus, de justo Dei iudicio exies absolutus. Ut autem in te ipsum justum possis celebrare judicium, audi apostolum Paulum, qui docet quæ in te debeas opera mortificare, ut ad vitam valeas pervenire. Dicit enim: *Mortificate membra vestra, quæ sunt super terram, fornicationem, immunditiam, libidinem, concupiscentiam malam, et avaritiam, quæ est idolorum servitus: propter quæ venit ira Dei in filios incredulitatis* (*Coloss. iii, 5, 6*). Ecce habes, homo, quæ in te judices, habes quæ condemnes, quæ in te mortifices. Ista judica, et non judicaberis. Ista condemna, et non condemnaberis. Ista mortifica, et non morieris. Hic esto severissimus iudex, hic esto vehementissimus carnifex. Ista recte considerando judica, abjiciendo mortifica. Si enim peccata tua recte consideraveris, judicasti; si abjeceris, occidisti. Ut ergo defendas te, accusa te; ut absolvas te, judica te; et ut ad victoriā perducas causam tuam, considera conscientiam tuam. Agnosce iniquitatem tuam, mortifica

A concupiscentiam tuam, corrige vitam tuam, et recte judicando liberabis animam tuam.

5. Ecce, fratres, quantum Dominus dedit, quid sit facere iudicium diximus; quid deinde sit justitiam facere, nunc dicamus. Justitiam facere est, ut quod tibi fieri non vis, alteri ne feceris, sed et hoc alteri facias, quod tibi ab altero fieri delectaris. Vis autem tibi bonum ab omni homine fieri: hoc enim justum est, ut omnis homo bonum faciat homini; quia contra justitiam facit qui hominī malum facit. Malum autem dico illud opus quo per pravam cupiditatem peccatur, non quo per caritatem poena peccantibus irrogatur. Malum nunc ego dico, non quo proximus a culpa revocatur, sed quo Deus justus ad iracundiam provocatur. Illud malum dico, non quod bene solet inferre severitas, sed quod male perpetrare consuevit iniquitas. Illud malum nunc dico, quod nunquam potest esse justum, sed semper invenitur injustum. Illud malum dico, quo delinquitur Deo, non quo consultur proximo. Illud ergo malum nunc dico, quod sic est omnibus facientibus malum, ut nulli patienti sit bonum. Justitiam igitur homo faciet, si malum nulli faciat, et bonum omnibus faciat; illud autem nulli faciat malum, a quo nos beatus Apostolus prohibet dicens: *Nulli malum pro malo reddentes* (*Rom. xii, 17*). Quibus utique verbis plenam nobis benevolentiam commendavit. Non enim dixit: Nulli malum facientes, sed *Nulli malum pro malo reddentes*. Ostendens parum esse Christiano malum non inferre, nisi discat etiam non referre. Unde cognoscitur quam pessimum sit si nos alicui malum faciamus, qui, malum facientibus aliis, malum pro malo reddere non debemus.

6. Serva igitur, Christiane, secundum regulam justitiam. Bonum **575** omni homini facito; malum vero nēc facias alicui, nec reddas. Si enim malum pro malo reddideris, etiam tu sine dubio malus eris. Tunc ille qui prior tibi malum fecit, non solus malus erit, quia socium malitiae te habebit. Cum autem cœperis malum pro malo reddere, in hoc magis culpabilis eris, quia malum quod in aliis exsecraris, hoc imitaris. Malus autem factus, non vincis malum, sed vinceris a malo, et quod pejus est, non vinceris alieno malo, sed tuo. Non est enim quemadmodum malus fias, nisi a bonitate desicias. Ita si et in te ipso remaneas damnabiliter vinctus, si fueris tua voluntatis vitio depravatus. Tunc itaque hominem malum certissime superabis, si bonus ipse permanseris, si non pro malis mala, sed pro malis bona reddideris. Propter quod Apostolus, qui ait: *Nulli malum pro malo reddentes*; paulo post dicit: *Noli vinci a malo, sed vince in bono malum* (*Ibid., 21*).

7. Ecce ut nulli malum pro malo reddamus, ab Apostolo simul audivimus: ut etiam omnibus bona faciamus, ab ipso rursus apostolo pariter audiamus, qui ait: *Ergo dum tempus habemus, operemur bonum ad omnes* (*Galat. vi, 10*). Tunc itaque facimus justitiam, cum illa hominibus facimus quæ nobis volvamus ab hominibus fieri. Hanc justitiam Salvator ipse commendans ait: *Omnia quæ vultis ut vobis fa-*

ciant homines, eam et vos facile illis (*Math. vii, 12*). Quae autem vultis ut vobis homines faciant, nisi bona? Si autem mala vobis faciant, non quae vultis faciunt. Ergo et vos, si malum pro malo reddatis, quia non ea facitis hominibus quae vultis ut faciant vobis, non utique facitis quod Christus præcepit, sed quod diabolus persuasit. Quapropter ut justitiam faciatis quam præcepit Christus, hoc impendite unicuique homini, quod vobis ab omnibus hominibus desideratis impendi. Sic facietis judicium et justitiam, de quibus nos propheta beatus admonuit. Facietis enim judicium, si peccata vestra poenitendo damnatis, et damnando peccata bene vivatis. Facietis autem justitiam, si nulli malum pro malo reddatis, sed omnibus hominibus bona faciatis. Hoc utique commendat Apostolus dicens: *Videte ne quis malum pro malo aliquai reddat, sed semper quod bonum est sectamini invicem, et in omnes* (*I Thess. v, 15*)

8. Quia vero bona opera tunc bene et utiliter flunt, cum de bona voluntate procedunt, propterea cum propheta dixisset debere nos facere judicium et justitiam, addidit: *Et diligere misericordiam*. Quia misericordiam maxime debent sublimes humilibus impendere, et divites pauperibus prærogare. Hæc autem misericordia duobus impenditur modis: cum peccanti et correctionem pollicenti venia datur, et cum indigenti quod est necessarium non negatur. Ad hujus misericordiae pertinet partes, ut superior inferiorem non opprimat, sed cum justitia defendat, et dives pauperi nihil auferat, sed pauperem pascat et vestiat: ut pauperi non insidetur, sed eum potius suis beneficiis consoletur. Quid ergo est quod se inflat homo fragilis et mortalis? quid superbit terra et cenis? quid se super pauperem dives superbus extollit? quare pauperem despicit? quare pauperem premit? **576** quare pauperi panem, aut tenacitate non tribuit, aut rapacitatem subducit, et illi cui debet de suo multum misericorditer aliquid dare, modicum quod habet crudeliter conatur auferre? Existimat quia cum pauperem gravat, seipsum relevet: arbitratur quia cum pauperem tribulat, sibi boni aliquid

* Hæc vox aliquid videtur redundare.

A præstet. Et nescit quia cum pauperem premit, sibi gravissimum pondus imponit, nec attendit quia si quid de paupere cogitat, de seipso cogitat. Sibi enim bonum impedit, quando pauperi bonum facit. Si autem malum cogitat facere pauperi, plus nocebit sibi quam pauperi.

9. Bonum igitur faciat dives pauperi, et proderit sibi. Diligat misericordiam, et eam pauperi semper impendat, ut ipse misericordiam in die tribulationis (*forte retributionis*) inveniat. Sic se cogitet super hominem pauperem positum, ut meminerit se sub Deo divite constitutum. Non ergo dubitet homini pauperi misericordiam facere, quam a Deo divite delectatur accipere. Recordetur esse Deum judicem, qui habet æternam in omnibus potestatem. Ille enim B videt omnium facta, ipse reddet unicuique secundum opera sua (*Math. xvi, 27*). Unde veraciter dicitur, quia *Judicium sine misericordia illi qui non fecit misericordiam* (*Jac. ii, 13*), et *Beati misericordes, quoniam ipsi misericordiam consequentur* (*Math. v, 7*).

10. Faciamus ergo judicium et justitiam, diligamus misericordiam. Cum autem judicium et justitiam facimus, misericordiam diligimus, cum Deo nostro sollicite ambulamus. Ambulat autem cum Deo qui bonis moribus et operibus proficit, qui coelestia terrenis, et æterna temporalibus anteponit. Sed oportet ut unusquisque sollicitus ambulet: id est, ut non altum sapiat, sed timeat; ut superbiam fugiat, et boni nihil suis meritis tribuat, sed in omnibus que bene egerit, Dei gratiam recognoscat. Ista sollicitudo facit hominem cum Christo per viam humilitatis incedere et ad regni coelestis altitudinem pervenire. Conversi ergo ad Dominum pariter ejus misericordiam deprecemur, ut nobis suam gratiam largiat, qua possimus in nobis ipsis judicium rectum tenere, justitiam cæteris exhibere, et, diligentes misericordiam, non opprimere pauperes, sed sovere: ut in conspectu Dei, cui misericordiam judiciumque cantamus (*Psal. c, 1*), superexaltantem judicio misericordiam invenire possimus.

FIDEI CATHOLICÆ INSTRUMENTA,

EXCERPTA DE LIBRIS S. FULGENTII

*Contra Gesta quæ adversus eum Fabianus
hæreticus falsa confinxit.*

EX LIBRO I. DE UNO ALTISSIMO, PARACLETO, NUNTIO, DOCTORE ET JUDICE.

577 FRAGMENTUM I.

Filius et Deus est, et altissimus, et vita ut Pater: eadem quoque cum Patre, et similiter facit.

Miror autem, cum ex illis nominibus atque operi-

D bus, pro tuo libitu, Filii et Spiritus sancti merita metiaris, quomodo non etiam nomina illa operaque consideres, quibus Patris et Filii una celsitudo naturalis ostenditur. Nam dum dicitur: *In principio era*